



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divus Sebastianus Eberspergæ Boiorum Propitius, Seu
Cultus Eiusdem Gloriosi Martyris à Prima Loci Fundatione
Ad Nostra Usque Tempora Propagatus, Et Nunc Publicæ
Luci Datus**

Widl, Adam

Monachij

Caput IX. Benefactores D. Sebastiani Mart. Eberspergæ in auro, argento,
aliisque pretiosis.

urn:nbn:de:hbz:466:1-37233

CAPUT IX.

BENEFACTORES D. SE-
BASTIANI MARTYRIS EBER-
SPERGÆ IN AURO, ARGENTO,
ALIISQUE PRETIOSIS,

REtè ille fecit, qui libera-
les in terris Principes, ce-
terosque mortales Cæli
deribus comparavit. Utrisque
genteus color est, hoc est, Bene-
centiæ natus. Stellæ ac Sidera
in Inferiora influunt, Principes
suo culmine non modò in paupe-
res, qui semper ad manum sunt,
verùm etiam in templa, Ecclesias,
atque Cœnobia liberalitate suâ im-
pluunt. Horum non paucos cum
D. Sebastianus Eberspergæ quocumque
habeat, injuriam sanè nobilissimam
virtuti inferremus palmarem,
tam insignes Benefactores à nobis
silentio præterirentur. Quin
tius D. Aidanum Lindisfarnensis

*Vaticinium
& factum
præclarum.*

Episcopum nobis imitandum proponimus, de quo Venerab. Beda lib. 3. *Histor. Eccles.* prodit rem cum primis memorabilem. Hic, cum vidisset ipſo Paſchatis Feſto ab Oswaldo Anglorum Rege benigniſſimo non modo ciborum reliquias in pauperes diſtribui, verum etiam ipſas argenteas lances in fruſta confractas, vaſa & pocula, totumque pretioſum abacum iſdem prædæ dari, ac dividi, facto attonitus tam ſanctam & prodigam manum reverenter complexus & osculatus in hæc verba prorupit: Digna ſanè inquebat, hæc manus eſt quæ nunquam computreſcat. Id, quod poſt Regis mortem eventus comprobavit, manu illâ à tumulo proſus integrâ, reliquo licet corpore plenè reſoluto. Hunc, ut dixi, ſanctum Antiftitem, vatem mirabilem imitandum nobis proponimus: amplexamur nimirum, osculamur, & Lectori Mundo oſtentamus prodi-

gas Benefactorum nostrorum manus, & facimus saltem, quod in potestate nostra est, ut, si non liberales illæ dexteræ, certè memoriantorum Principum, Virorum, & Matronarum Illustrium, nec non integrarum Urbium, ac Communitatum nullâ unquam oblivione putrescat.

Verùm ut in hac materia bene procedamus, duo mihi observanda esse video. Primum est ad vitandam libri hujus molem, ut non omnia dona, leviuscula præsertim, duos Evangelicæ viduæ obolos ac minuta, quæ utique ex mente dantis apud DEUM animorum inspectorem speciale pretium & æstimationem habent, hîc adjungamus, sed splendidiora duntaxat, quæ sunt majoris considerationis. Alterum est, ut in recensendis Benefactoribus ordinem aliquem dignitatis teneamus. Quare â Stellis primæ magnitudinis, â coronatis capitibus

bus & Principibus, ex alto lucentibus hoc caput auspicamur.

§. I.

PRINCIPES S. SEBASTIANI MARTYRIS EBERSPERGÆ BENEFACTORES.

INter Principes Benefactores tres inuenio Imperii Augustos Cæsares. Primus est Otto II, Imperator, qui, uti monumentis nostris traditur, sub Gunthero, de quo supra dictum, ultimo Canonorum hîc loci Præsule, S. Sebastiano Eberſpergæ donavit multa mancipia in grati animi contestationem, quòd toto ferè ipsius exercitu à Græcis vel deleto, vel dissipato, & magnam partem capto, ipse ex navi exiliens natando saluus & incolomis cum paucis euaſerit.

Benefactores Imperatores

Otto II. Imperator.

Alter est Conradus Imperator, qui Anno M. XXVIII. hîc Eberſpergæ voto se exsoluens inſigne

Conradus Imperator.

S 3 præ-

prædium in Tandorff cum adjacentibus bonis D. Sebastiano ad aras obtulit

Ferdinandus III. Cæs.

Tertius gloriosæ in omnem posteritatem memoriæ, famâ, virtute, Palmis ac Victoriis Augustissimus Cæsar est Ferdinandus III. Austriacus, qui An. Christi M DC. XXXIX. ob conservatam ope D. Sebastiani sanitatem Socii suo rari operis calicem ex puro puro auro obtulit, ducentis quadraginta gemulis inculatum, donum verè Imperatorum, pondere, formâ, arte & pretio visendum, & prorsus eximium.

Principes Bavarie.

Aquilis magnarum alarum, Romanis Cæsaribus, meritò subjungimus Leones Boicos, pro Domo Dei ac Religione rugientes, ceu totidem Salomonici Throni DEI, ac Solij fortes & Assessores, & Defenses.

Guilielmus Dux.

Primus venit Elogio immortalis dignus Serenissimus Guilielmus V. Co.

Cognomento Pius, qui inter cetera in D. Sebastianum affectus sui specimina Societatem Jesu huc introduxit, Ecclesiam Eberspergensis multis, iisque pretiosis Reliquiis, geminis praesertim Spinis majoribus de Corona Christi, quatuor Craniis è Societate S. Ursulae & aliis nonnullis auxit, de quibus supra dictum est *cap. 7. §. 2.* magnum praeterea argenteum inauratum poculum Divo suo Tutelari dono dedit.

Magni parentis Guilielmi magnus filius Serenissimus Elector & Archidapifer Maximilianus tot Victoriiis pro Religione inclytus cum antiquum S. Sebastiani Sacellum multis partibus vidisset impositum, illud suis sumptibus in digniorem formam & nitorem restitui curavit. Ejusdem prima Serenissima Conjux Elisabetha Dux Lotharingica in eundem quoque Divum nostrum perquam benigna fuit, quando sub initium bellici motus

Maximilianus Elector.

Elisabetha Lotharing.

S 4 ipsa-

ipsamet S. Sebastiani pretiosum Gra-
nium ejusque argenteam Statuam
hosti maturè subductam in fidem
suam recepit, & Salisburgi in loco
asyli sui inter Cimelia Sacrum hunc
thesaurum sollicitâ curâ asservavit.

*Maria Anna
Austriaca
Electrix.*

Altera Serenissimi Electoris Electrix
Conjux Maria Anna Austriaca Fer-
dinandi II. Imperatoris filia quo
animo, & quàm liberali in D. Se-
bastianum esset, luculento munere
ostendit, quando in Capite Gloriosi
Martyris posuit Coronam de Lapide
pretioso, Rubinis & Unionibus illu-
lustrem, additis duabus tabulis ar-
genteis operis fusilis, quarum una
Annuntiationem, altera Visitatio-
nem magnæ Virginis nobili artifi-
cio exhibet.

*Ferdinand.
Elect. Colon.*

Sereniss. ac Reverendiss. Ferdi-
nandus, Sereniss. itidem Guilielmi
Ducis filius Archiepiscopus & Ele-
ctor Colonienfis, quo tempore po-
stis Coloniam populabatur, D. Se-
bastiano pretiosam tabulam obtulit

ope

operis muſivi, quæ miro colorum
artificio & amœnitate historicum
Chriſti flagellati typum repræſen-
tat, pretio ducentis florenis æſti-
mato. In pede Tabulæ inſerta vi-
ſitur particula lapidis, cui Chriſtus
flagellatus ſub diro ſupplicio inſi-
ſtebat. Ejusdem Sereniſſimæ be-
neficientiæ debentur binæ aliæ ma-
jores argenteæ SS. Ignatii & Fran-
ciſci Xaverii tabulæ, quæ de cen-
tum aureis ab eodem Sereniſſimo
ac Reverendiſſimo Electore dona-
tis confectæ ſunt Anno Chriſti
M. DC. XXX.

Sereniſſimus Albertus Leüchten-
bergæ Landgravius Guilielmi iti-
dem filius pari ratione Anno Chri-
ſti M. DC. XXXIII. D. Sebastiani
Cranium, ne ſub hoſte periclitare-
tur, ſecum Berchtersgadam in lo-
cum tutum devexit, ſervavitque
dum meliora tempora ſuccederent.
Aliàs eidem Divo pretioſam Caſu-
lam, ut vocant, ſeu veſtem Sacer-
do-

*Albertus
Dux Bavar.
Landgrav.
Leüchtenb.*

S 5 do-

dotalem aureo filo luculenter per-
textam obtulit, Ex ejusdem Sere-
nissimi Ducis munificentia venit
nova Ara S. Corbiniani, pretio tre-
centorum florenorum, tabula item
B. Virginis prægrandis iusta Altraris
magnitudine in Sacello ejusdem
Virginis suspensa, multaque alia,
quibus optimus Princeps luculenter
ostendit non tantum copioso affe-
ctu, verum etiam fecunda & ef-
fusâ manu, quam in amoribus sibi
esset D. Sebastianus; id, quod tum
maximè apparuit, quando Anno
M. DC. XXXV. die Octob. XXIV.
ipse Serenissimus cum tota sua Aula
Eberspergam venit, secumque at-
genteam D. Sebastiani Statuam re-
cens factam, unam ex majoribus
attulit ad redimendum beneficium,
quod à S. Sebastiano acceperat, ob
aulam suam priore funesto anno à
communi peste præservatam. Quod
sanè iucundum Religionis, & ad
commovendos animos efficax spe-
ctacu-

*Alberti Re-
ligio & E-
templum,*

ctaculum erat: Nam dies illa inter
ardentia pietatis specimina sanctè
impendebatur ab omnibus præviâ
expiatione conscientiæ, & Sacri E-
puli sumptione, auditione rei di-
vinæ, copiosæque erogatione Elec-
mosynæ, ac si quæ alia fuere pie-
tatis alimenta, & illustria exempla
in publicum. Tanti refert, Solem
stellis suam lucem, Principem suis
subditis Virtutis suæ radios imper-
tire.

Qualis autem liberalissimus pa-
rens fuit Albertus, tales D. Seba-
stiano quoque filios dedit, Sereniss.
ac Reverendiss. Principem Henri-
cum Maximilianum Archiepisco-
pum & Electorem Coloniensem,
qui Anno M. DC. LXI. D. Seba-
stianum Eberspergæ præfens invisit,
& oblationem centum Imperiali-
um aræ imposuit, nec non Sere-
nissimum ac Reverendissimū Prin-
cipem Albertum Sigismundum Fri-
singenstem & Ratisbonensem Epi-
sco-

*Henricus
Maximil.
Electo. Co-
lon.*

*Albertus Si-
gismundus
Episcop. Fri-
singenf. &
Ratisbon.*

scopum, qui ingeniosè liberalis, & liberaliter ingeniosus omnes cogitationes eò intendere visus est, ut in Sanctum Tutelarem Sebastianum suum, quem ex voto quotannis invisebat, non tantùm insigniter religiosus esset, verùm etiam effusè munificus. Ejus Opus est, uti supra loco suo diximus, novum S. Sebastiani præclarum Sacellum, ad omnem venustatis elegantiam absolutum: Ejus Opus marmorea Divi Ara, & picturæ exquisitissimæ; Ejus Opus binæ Imagines pectorales argenteæ DD. Sebastiani & Rochi in forma justi Viri pectore tenès, sexcentis, & quod excurrit, florenis comparatæ; Ejus Opus ingens Christi Cruci affixi imago ex solido argento fusa, eâ magnitudine, quâ in Supplicationibus publicis populo præferri solent majora Christi simulacra. Hæc porro Argentea Imago supra in Inscriptione Sacelli poni non potuit, quia

pri-

primùm decennio pòst ab ipsomet Principe oblata est, cùm Civium suorum supplicationē solenni pompâ huc duxit Anno M.DC.LXXX. pro peste avertenda, quæ ex vicina Austria eruptura timebatur, ipsamque Bavariam jam hinc inde ex parte afflaverat. Ejus præterea Opus est Ara Trium Regum, picto artificioso emblemate, & copiosi auri illusionē insignis, pretio centum aureorum; ut adeò hac ætate D. Sebastianus Eberspergæ vix ullum habiturus sit, à quo plus liberalitatis, & opum acceperit. Quam virtutem ceteris amabiliorem ut etiam tu, Amice Lector, hoc maximè loco debitè æstimare possis, vide, quæso, quæ supra de toto munificentia apparatu in descriptione Magnifici Sacelli cum Elogio Serenissimi Benefactoris pluribus dicta sunt. Anno M. DC. LIX. Serenissima Electrix Henrietta Adelhais Nata Regia Princeps Sabaudia

*Adelhais
Henrietta
Electrix.*

diæ & Pedemontii Serenissimi Ele-
toris Ferdinandi Mariæ Serenissi-
ma Coniux D. Sebastianum Eber-
spergæ præsens coluit, eidemque
Laureato Martyri, quasi in militari
Baltheum & Periscelidem obtulit
insignem ac pretiosum Ornatum ex
tela argentea florida pro veste Sa-
cerdotali, antipendio Aræ, ut vo-
cant, & Missalis involuero.

*Henricus
Episcopus
Augustan.*

*Vitus Ada-
mus Episcop.
Frisingensis.*

Pretiosam similem Casulam ex
texto argenteo dono dedit Reve-
rendissimus Princeps Henricus Epi-
scopus Augustanus: Similem etiam
Reverendissimus ac Celsissimus
Princeps Vitus Adamus Episcopus
Frisingensis, donum eucharisti-
cum, quod ope S. Sebastiani Urbs
Episcopalis servata fuerit à com-
muni lue totam Bavariam tunc per-
vadente.

Et hæc quidem munificentia do-
mesticorum ut maximè Principum
fuit. At nec defuere externi, Anno
M, DC, XIX, Illustrissimi Principes

Chia

Chimacenses Alexander & Magda-
lena, Comites Bellomontani D. Se-
bastiano duas argenteas Statuas ex
Voto consecrârunt. Una D. Se-
bastianum, altera S. Annam refert,
Utraque auro scitè illusa est.

*Principes
Chimacens;*

Anno M.DC.IV. Carolus Prin-
ceps & Comes Arenbergicus, cum
Serenissimi Alberti Archiducis &
Belgarum Principis Legatum ad
Regem Angliæ ageret, & Londini,
Urbe tunc infectâ, versaretur, inde
per filium suum Statuam argente-
am, & sedecim Aureos misit Eber-
spergam in grati animi testimoni-
um, quod D. Sebastiano depreca-
tore abs se & Comitatu suo gliscens
tum temporis contagio clementer
fuisset aversa. Alteram item ar-
genteam Statuam Beatissimæ Vir-
ginis misit idem Princeps Anno
Christi M. DC. XVI.

*Princeps
Arenbergi-
cus.*

§. II.

D. SEBASTIANI BENEFACTORES EX PERILLUSTRI ET ILLUSTRIBUS COMITUM ET BARONUM SANGUINE.

*Comites
Semptenses
Loco Fundatores.*

INter Illustres Benefactores merito primū sibi locum vendicant Eberspergæ Fundatores Semptenses Comites uti tempore & antiquitate, ita beneficiā & honore priores. Ipsum Fundatoris nomen aliquid supra Benefactorem addit, & loquitur: Fundamento beneficiorum semel posito, facile est, superædificare: Auctor primam gloriam habet cœpti operis. Hisce ergo antiquissimis Comitibus debemus sancitam primitus Religionem, & primam hoc loco Pictati erectam Aram, dejectam superstitionem, ædificatum Templum, extructum Cœnobium, illatam deinde ex bello Hunnico opulentiam

prædam in auro & argento, Româ
peritum & impetratû facerrimum
thesaurum pretiosissimi Crani, S. Se-
bastiani, Fundationem loci amplif-
simam, scriptum ex asse totius Di-
tionis Semptensis heredem D. Se-
bastianum. De qua munificentia
cum passim in decursu memineri-
mus, non est, cur plura hîc adda-
mus, cum dubium nullum sit, li-
beralissimos Heroës in loco divitia-
rum jam constitutos frui modò, &
pridem fructos fuisse cum fœnore
opibus suis olim Deo datis. Ab
his ergo ad ceteros Illustres Bene-
factores gradum faciamus.

Anno Christi M. DC. XXX. die
XVIII. Augusti Comes Joannes Cer-
claes Tillius Supremus Exercitûs
Cæsarei & Bavarici Moderator, se-
culi sui Alexander, & Catholici fœ-
deris Machabæus, Vir ultra Mun-
dum notus per unum de suis Ca-
pitaneis misit Eberspergam D. Se-
bastianiano Soterium centum Impe-
ria-

Comes Tilo
Tius.

rialium pro impetrata Exercitus
incolumitate.

*Comes Her-
bovseinius.*

Inter complures argenteas Sta-
tuas D. Sebastiani adest etiam una
Comitum alicujus de Herberstain,
facile centum Philippæis æstimata.
Item alia Statua ejusdem Divi ar-
gentea ex dono Comitis Sebastiani
de Haunsperg Equitis Jerosolymita-
ni, quam in morbo voverat. Te-
net Statua gladium cum rotula, &
Cruce duplicata, Insignia scilicet
Equestris dignitatis.

*Comes Haun-
sperg.*

*Comes Fug-
gerus.*

Anno M. DC. XXXIV. Otto
Henricus Comes Fugger è benefica
Societati Jesu & Fundatrice Colla-
gij Augustani familia natus, men-
sibus Octobri & Decembri per bi-
nas vices donavit S. Sebastiano,
ejusque Domicilio liberalitate pro-
fus eximiâ viginti octo boves.

*Baro Mug-
genhal.*

Illustris D. Albertus Baro Mug-
genhalius Eques Melitensis D. Se-
bastiano obtulit ex Ebore duas
capsulas Reliquiarias ebore scilicet
enla.

enucleatas & imaginibus S. Joannis Baptistæ, & Sebastiani illustratas. De ejusdem dono venit papilio ex tela serica.

Anno M. DC. XXXIV. Illustris D. Baro de Neuhaus Præfectus Neofori D. Sebastiano obtulit argenteam Statuam centum florenis æstimatam in grati animi Signum & superatæ contagionis Mnemosynon.

Baro Neuhaus.

Anno Christi M. DC. XXXVII. Illust. D. Baro Rueppius D. Sebastiano donavit Ciborium majus, ut vocant, seu Craterem Eucharisticum argenteum ipso Divi Indigetis Festo die, munus insignè.

Baro Rueppius.

De Antiquissima & Illustri Bodmannorum familia quidam, cujus nomen non exprimitur An. Christi M. DC. XIII. S. Sebastiano dono dedit Casulam pretiosam aurei textus cum reliqua Sacerdotali supellectili.

*Illustres Be-
nefactorices*

*Comitissa
Schwarzen-
burgica.*

Ab Illustribus Benefactoribus ad
Illustres Benefactrices progredior,
quas inter ante omnes memoranda
venit Illustrissima Jochelina Comes
Schwarzenburgica, sanguine &
gente Gallo-Neoburgica, de qua
supra cum elogio meminimus, ubi
Epitaphium Sepulcrum dedimus.
Ex liberalitate hujus Illustrissimæ
Matronæ, præter scriptam ex asse
heredem Societatem Jesu, D. Se-
bastiano obvenere varia dona, ea-
que non vulgaria: Statua in primis
argentea Christi flagellati, operis
fufilis; Numisma aureum pro Sta-
tua S. Sebastiani: Tabella elegan-
tissima S. Cæcilie ex Ebano, in can-
dido succino singulari amenitate
& artificio depictæ parergis argen-
teis circumvestita: Alia Tabella
cum Imagine Virginis Dolorosæ
nigro marmori superinducta, opus
raræ & excellentis picturæ: Vestis
item Sacerdotalis & Antependium,
ut vocant, aurei textûs, cum pluri-

bus aliis mappis partim sericis, partim de lino subtili & pellucente.

Hanc plures secutæ sunt largæ animæ, nominatim Comitissa à Dislingen, quæ D. Sebastiano obtulit Coronam Unionibus, seu Be-
rillis consitam, uti & Casulam ex nigro heteromallo, quæ in limbo Insignia Gentilitia manu Phrygionis unionibus luculenter exarata exhibet.

Com. Dislingen.

Veronica Comitissa de Mäxelrain, de qua supra quoque inter Illustria Templi nostri funera mentio facta est, præter Annulum aureum pretiosâ gemmâ vigilem, S. Sebastiano donavit centum florenos numerati peculij. Tantundem pro nova & summa Templi Ara D. Sebastiano opere sculptorio erigenda ultrò contribuit D. Magdalena Comitissa Haunspergica.

Com. Mäxelrain.

De liberalitate Comitissæ Annæ Rufferinæ Zinnebergicæ Templo obvenère, pretiosa imprimis vestis

Com. Ruffer.

T 3 auro

auro texta pro vestienda Christi
Statua, annulus aureus Pyropo lu-
cens, cor argenteum justæ magni-
tudin's, monile pretiosum unioni-
bus distinctum.

Com. Porzia,

Anno M. DC. LXXXIII. Statua
Matris Dolorosæ exornandæ obve-
nit velum pretiosum ex subtilissima
byffo speciosis floribus intextum,
& aureo lyngo fimbriatum, viti-
peramœnum, ex dono Illustrissimæ
Comitissæ de Porzia, Supremæ Ele-
ctoralis Gynæcei Præfectæ, quod la-
boris pulcherrimi Emblemata ipsa
met suâ ingeniosâ acu nevit.

*Baronissa
Raindorf,*

Ex Illustris Sanguinis Baronissis
erga D. Sebastianum liberales fuisse
invenio, quas hîc noto: in primis
Gener. sam Domicellam Mariam à
Raindorf, quæ D. Sebastiano do-
no dedit Coronam ex selectissimo
Corallo, cum pendulo quodam va-
sculo ex puro auro; Statuam item
argenteam operis fusilis Christi ad
columnam alligati, alias præterea
Ima.

Imagines S. Annæ, Apostolorum Petri & Pauli, urceum item argenteum pro disperienda aqua lustrali, cum aspergillo itidem argenteo, denique velum majus ex Damasceno serico auro & argento fimbriatum, cum multa alia sacra suppellectili.

Altera est Birgitta Baronissa Schlanderspergica, ejusque filia Susanna Catharina, nupta Henebergica, quarum utraq; S. Sebastiano appendit torquem aureum multi pretii, Birgitta insuper dono dedit vestem aureo filo textam, Antependium pretiosam acu pictum, atque duos fasces majales, uti vocant, juxta magnitudinis ex sericis floribus, artificio proximè naturam imitante, pretio sexaginta florenorum. Eadem Illustris Matrona parietes Sacelli S. Ignatii & aræ illius ambitum elegantibus peripetasmatis vestiri curavit, pretio centum florenorum, & quod excurrit.

Bar. Schländersperg.

T 4

Illu-

*Bar.
Mörzburg.*

Illustres Domicellæ à Mörzburg Regina & Margarita Anno M. DC. XIX. D. Sebastiano obtulerunt geminas torques aureas, geminas Christi Natalitii Statuas Cimeliis eleganter juxta, & pretiosè ornatas. Alia Illustris Matrona à Neuhaus argenteam D. Sebastiano Statuam dono dedit.

Bar. Neuhaus.

Bar. Neuhaus.

R II
J R

§. II.

D. SEBASTIANI BENEFACTORES EBERSPERGÆ EX VENERABILI CLERO ET DE ECCLESIASTICIS.

Habet D. Sebastianus ex Venerabili Clero Benefactores Eberspergæ non paucos. Principuos quosq; & primi ordinis paulo superius inter Principes & Episcopales mitras recensuimus.

*Abbas
Schöffelarn.*

Anno Christi M. DC. XVII. Reverendissimus & Amplissimus D. Leonardus Abbas Schöfflariensis dono

dono dedit S. Sebastiano aureum numisma ex aurea catena pendulum, à quo liberali donario antiqua D. Sebastiani argentea Statua infigne ornamentum accepit.

Anno M. DC. XXIV. Reverendiss. & Ampliss. D. Præpositus Diessensis S. Sebastiano donavit argenteam tabulam, quæ sanctissimi Athletæ Martyrium insigni cælatura exhibet.

*Præpos.
Diessens.*

Anno M. DC. XXVIII. quidam Pater de Societate Jesu Sereniss. ac Reverendiss. Electori Colonienfi à Confessionibus sacram Templi suppellectilem auxit Statuâ D. Virginis ex prodigiosa quercu Foyensi sculptam, palmi altitudine, quæ eleganti Cuppæ inclusa & argenteis fimbriis circumdata per crystallum translucet.

*Confessar.
Sereniss. Ele-
ctor. Colon.*

Anno Domini M. DC. XXXI. mense Julio Adm. Rev. D. Joannes Pistorius Parochus Werdensis prope Ardingâ de S. Sebastiano quàm

*Paroch.
Werdensis.*

T s opti-

optimè meritis Templū Ebersper-
 gense exornavit pluribus donariis,
 videlicet argenteâ Christi Cruci af-
 fixi imagine, geminis argenteis ta-
 bulis, quæ quinq; Sanctorum Ico-
 nes repræsentant, Isidori, Ignatii,
 Francisci Xav. Philippi Nerii, ac
 Teresiæ conspicuo artificio; dua-
 bus item lipfanothecis, eburneis
 parengis scitè superinductis. Alia
 ejus dona sunt Calix argenteus in-
 auratus pretio sexaginta octo flo-
 renorum, Corona major de pre-
 tiosis corallis, quæ gemmeâ luce
 suâ Statuam D. Sebastiani ambu-
 Decennio post idem præclarus Di-
 vi Sebastiani benefactor ad ere-
 ctionem geminorum novorum Al-
 tarium SS. Joannis Evangelistæ &
 Apostoli Bartholomæi ultrò attri-
 buit trecentos florenos.

Decan.
 Maurkirch.

Anno M. DC. LIX. de insigni
 liberalitate Adm. Rev. & Clarissimi
 Domini Georgii Stalhueberi Deca-
 ni Maurkirchensis accessit Tholo
 D. Se-

D. Sebastiani argentea lampas justæ
magnitudinis, operis fenestrati, fe-
stis præcipuis in Choro Templi ar-
sura.

Anno M. DC. LXXIX. Adm.
Rev. D. M. Casparus Reutter Paro-
chus in Tauffkirchen D. Sebastiani
Statuæ appendit numisma grande
argenteum, ex argentea torque
pendulum. Huic accensemus Adm.
Rev. & Clarissimum D. Balthasarum
Hueber SS. Theologiæ Licentia-
tum & Decanum in Schwaben, qui
Anno M. DC. XXXV. & aliàs etiã
prioribus annis D. Sebastiano libe-
ralem se exhibuit variis donis &
quingenta florenis numerati pe-
culii.

Neque hoc loco reticendum
est unum alterumque Societatis
Jesu Collegium S. Sebastiano tem-
pore contagionis singulariter de-
vorum. Præ illis verò celebra-
tus venit Regius Halensis Parthenō
in Tirol, qui liberalitatem suam
in-

Paroch.
Tauffkirchen,

Decan.
Schwabens

Regium Pav-
thenon Hale

intra montes continere nescitis,
eam etiam in adjectam Bavariam
effudit. Oblatum igitur ab his di-
lectis DEO Virginibus est Anno
M. DC. XIII. luculentum donum
Corona elegans Eucharistico Gra-
teri imponenda, compluribus u-
nionibus, & floribus incoctili &
encausta materiâ fulgens, unâ cum
uno alteroque integumento cali-
cis, aureo filo multum extante,
opere Phrygio liberaliter exarato.

*Collegium
Hansenſe &
Oetting Vet.*

Anno M. DC. XXXV. menſe
Martio Halenſe Collegium Socie-
tatis JESU S. Sebastiano dedicavit
Calicem elegantis operis, pretio
centum florenorum, munus eucha-
risticum, quod Domicilium illud
tristiffimæ contagionis tempore
Anno superiore manifestam Divi
Tutelarſis opem ſenſerit. Illi ac-
cenſemus Domum Oettingæ Ve-
teris, cujus R. P. Rector Anno
M. DC. LXXXI. D. Sebastiano mi-
ſit Cor Argenteum in gratiarum
actio.

actionem servatæ à peste immunis illius Stationis, quæ facile afflari poruisset hereditario malo ex tot peregrinis de Austria & Styria tunc sævâ lue infectis Oettingam comitantibus. Quo ex munere aliisque similibus hæctenus enarratis facile apparet, quàm cordi sit piis animis noster Martyr Sebastianus.

§. IV.

URBIUM, OPPIDORUM, ET INTEGRARUM COMMUNITATUM IN D. SEBASTIANUM LIBERABILITAS.

Inter Urbes Boicas primum sibi locum vindicat Monachium Bavarix Caput, & Principum Electorum, ac Ducum elegans sedes, Grave ea vulnus accepit Anno M, DC, XXXIV, à communi peste totam Germaniam pervagante; quæ ne ulterius in viscera superet,

*Metropolis
Baver. Monachium.*

300 Urbium, Oppidorum, & integrarum
ret, voto ad D. Sebastianum edito
tempestivè cavit, quod sequenti
mox anno ritè exsolvit. Venere
ergo Anno M. DC. XXXV. ipso S.
Joannis Baptistæ festo die Mona-
censes pleno agmine trium millium
& quingentorum capitum Eberspergam.
Tulere secum insignemunus, sex candelabra argentea
justæ magnitudinis; pretio non gen-
torum florenorum. Monumentum
hoc est liberalitatis, si ullum aliud,
memoriâ longè dignissimum, seu
Benefactores spectentur, seu do-
num. Candelabrum quodvis hanc
Inscriptionem stylo Aurificis inci-
sam exhibet:

S. SEBASTIANO M.
S. P. Q. Monacensis
Præsentem Divi Opem
Saviente Pestilentia An. M. DC. XXXV.
Expertus
Ex Voto ad Aram Eberspergensis
Dedicavit
Anno M. DC. XXXV.

R II
JA

Proxima à Monachio est Brunovia, firma ad Oenum Civitas; *Бруновия*
situ & opere. Hæc S. Sebastiano
addicta Urbs, quantumvis Eber-
spergâ distans non omittit tamen
certis annis, pro occasione, magno
numero eò excurrere. Diversis ac
reperitis vicibus secum attulit præ-
clara munera, vestem inprimis Sa-
cerdotalem elegantem, alias argen-
team D. Sebastiani Statuam operis
fusilis pretio sexaginta florenorum
& ultra; rursus binos argenteos
urceolos cum subjecta patella ex
eodem probo metallo unciarum
facile triginta novem. Denique
recentissime anno superiore elegan-
tem Calicem formæ majoris argen-
teum & affabrè factum.

Huic merito adjungitur Neo-*Neo-Oettinga*
Oettinga Urbs quoque Oeno adsi-*ga.*
ta. Hæc Civitas, quò suum in san-
ctum Martyrem studium & amo-
rem amplius demonstraret, Con-
gregationem sub nomine S. Seba-
stiani

302 *Urbium, Oppidorum, & integrarum*
stiani erexit, eamque cum Eber-
spergensis confœderari voluit. Unde
factum, ut hætenus, quoties ipsa
supplicatum Eberspergam venit,
honoris causâ ab Eberspergensibus
eidem obviam processum, & non
sine pompa aliquantò sollemnis,
ceu cognata ejusdem Tituli exce-
pta, & ad D. Sebastianum festivè
introducenda fuerit. Invisit autem
primâ vice Sanctum suum Anno
M. DC. LXIV. dono relictis Patro-
no suo duobus argenteis urceolis &
pollubro ejusdem materiz, Vice al-
terâ venit Anno M. DC. LXX. die
Maij vigesimâ primâ, oblatâ pretiosa
Casula ex tela Damascena: Rursum
Anno M. DC. LXXXII. annôq; se-
quenti misit in grandiore tabula
simulacrû, seu Iconismum Urbis suæ
argento quàm exactissimè elabora-
tum, quo insigni munere pia Ci-
vitas se, suasque turres & aedes,
adiûmq; inquilinos eives, quor-
um quot murorû suorum ambitu conti-
nenti-

R II
JA

tinentur, & publicam præterea incolumitatem Patrono suo impensissimè commendavit. Extat hic argenteus typus in summa Ara omnium oculis conspicuus.

Vilso-Biburgum Oppidum Pavarix est non ignobile. Ejus cives uti D. Sebastianum præcipuâ Religionem colunt, ita non minore, liberalitate jam antehac ipsum profecuti sunt. Adest Eberspergæ de eorum beneficentia argentea Divi Statua bene grandis opere fusili, pretio ducentorum florenorum, quam grati Clientes obtulêre Anno Domini M. DC. XLIX. Tabula item argentea SS. Trinitatis affabre facta, & oblata Anno Christi M. DC. LXV, pretio quadraginta florenorum.

Pari liberalitate se stiterunt Griesbacensis Oppidi Cives Anno M. DC. XXXVI. Divique sacrario intulerunt duas argenteas imagines pretio ducentorum florenorum &

V supra.

Oppidum
Vilsbiburgum

Griesbacensis

supra. Utraque basi ex Ebano in-
sistit. Una Beatissimam Virginem,
altera S. Sebastianum refert. Sancte
præterea contestati sunt viri opti-
mi, ubi primò voto se ad D. Se-
bastianum obstrinxissent, illico
contagionem agro suo intestamina-
tra, & extra muros desisse.

Gars.

Parœcia Præposituræ Garsensis
Anno Christi M. DC. XIII. D. Se-
bastiano vovit argenteam sagittam
cubiti altitudine majorem cum in-
clusis Reliquiis, obtulitque in de-
bitam gratiarum actionem immu-
nitatis a communi malo, & gli-
scente contagione.

§. V.

RELIQUI BENEFACTO-
RES PROMISCUI ORDINIS
SECUNDUM ANNORUM
SERIEM.

Iuxta annorum seriem hunc Be-
nefactorum Catalogum texere

placet, partim ut ratio concinni
ordinis habeatur, partim ut in de-
licato honoris puncto non offen-
damus.

Anno M. DC. II. D. Sebastiano
cum infertis Reliquiis majoris for-
mæ sagittam argenteam cubiti item
altitudine obtulit D. Joannes Chry-
sostomus Riederer Signifer.

Anno Domini M. DC. X. Do-
minæ Sabina & Maria Gumpelts-
haimerinæ pro summa Ara S. Seba-
stiani præclari operis contribuere
centum Philippæos.

Anno M. DC. XIII. Spectatissi-
mus D. Georgius Schobinger Mer-
cator Monacensis ejusque Conjux
Anna Gumpeltshaimerina obtulere
majorem Coronam, D. Sebastiano
imponendam pretio sexaginta flo-
renorum. Anno eodem de libe-
ralitate D. Caspari Widmann To-
parchiæ hujus nemorarij Præfecti
S. Sebastiano obvénit insignis calix
argenteus, pretio centum floreno-
rum.

306 *Benef. promiscui Ordinis S. Seb. M.*
rum. Item ex dono Nobilis D. Jo-
annis Burgleüttneri Præfecti Sta-
renbergensis supra Anassum in Au-
stria vestis Sacerdotalis & Antipen-
dium, ut vocant, ex serico Dama-
sceno.

Anno M. DC. XIV. à duabus fo-
roribus virginibus Margarita & Ana-
na (aliud nomen haud exprimitur)
oblata est pretiosa Corona, Vene-
rabili, seu Ciborio imponenda;
Stetit illa ultra ducentos florenos.

Anno M. DC. XXI. de benefe-
centia D. N. Pfliegelij sacrae supel-
lectili accessit argentea inaurata
Cruz Adamantibus Bohemicis un-
dequaque conferta & cuspidata.

Anno M. DC. XXIV. Dominus
quidam ex Belgio, cujus nomen
tabulæ nostræ non produnt, forte
quòd ipsemet occultum voluerit,
donavit S. Sebastiano centum flo-
renos Brabantios.

Anno M. DC. XXV. liberalissima
quædam Domina Dornspergiana
miserit

misit D. Sebastiano togam suam pronubam, seu nuptialem ex holoserico rubro auratis segmentis copiosè fimbriatam pondere triginta sex unciarum. Ex qua pretiosa materia undecim ulnarum factæ sunt duæ Casulæ Sacerdotales pro festis præcipuis, & alia quædam. Doni tam speciosi pretium ad ducentos florenos excurrit.

Nobilis D. Elisabetha Riedlerina Patritia Monacensis S. Sebastiano misit insigne Cimelion argenteæ Divi Statuæ appendendum.

Anno M. DC. XXVI. Ingenua Virgo Anna Wâxina ipso profesto S. Sebastiani dono misit binas argenteas Statuas Sanctorum Patrum nostrorum Ignatij & Francisci Xavierij opere fusili, cū insertis operâ Patrum nostrorum in basi reliquiis de iisdem Sanctis. Eodem anno mense Februario erecta est in templo nova elegans ara D. Georgij ope maximè Georgij Schilcheri,

V 3 qui

308 *Benef. promiscui Ordinis S. Seb. M.*
qui ad eam centum florenos con-
tribuit.

Anno M. DC. XXIX. Nobilis
quædam Plareriana (ita tacito no-
mine inscriptâ invenio) D. Ignati-
aram exornavit eleganti Antipen-
dio & veste Sacerdotali, pretio se-
xaginta florenorum & ultra.

R II
J^a
Anno M. DC. XXX. ex longinquo
ab ultima usq; Polonia misit præclara
Domina Ursula Majerina, ubi tunc
in aula Regis versabatur, Ebersper-
gam D. Sebastiano centum & de-
cem Philippæos, ex qua pecunia,
ipsâ sic volente, factum postea
est majus Conopæum rubrum pro
ara summa ex serico Damasceno.

Anno M. DC. XXXIV. Quidam
Dominus Rei Cerevisiariæ Præfectus
Monachij ex familia Holzhausero-
rum in gratiarum actionem servatæ
valetudinis D. Sebastiano donavit
florenos quinquaginta, & unum ge-
nerosum equum.

Anno

Anno M. DC. XXXV. Strenuus
D. Albertus Ligfalzius Urbis Mo-
nacensis Patricius dono obtulit ar-
genteam tabulã D. Sebastiani ima-
gine insignitam & præclaro artifi-
cio elaboratam in signum grati ani-
mi, quò de infirmitate sua con-
valuerit.

Anno M. DC. XXXVI. D. Præ-
fectus Telonij Schårdingensis do-
navit Sancto binas imagines argen-
teas pretio centum fl renorum.
Una erat D. Virginis, altera Sancti
Indigetis.

Anno M. DC. XXXIX. D. Acha-
tius Leopold Mercator Sali bur-
gensis dedit argenteum Calicem
inauratum.

Anno M. DC. XLV. die XXI.
Februarij piè in Domino hïc ob-
dormivit honestissima Matrona
Rosina Ittin, Domini Christiani
Itten olim Præfecti in Burckrain
pietissima conjux. Hæc post ma-
riti obitum, quò pietatis officiis,

ceterisque divinis hic peragi solitis, & optimæ Magdalenæ parti, strepitu procùl commodius deservire posset, Eberspergam concessit, & cum nomine exquisitæ virtutis longo tempore supervixit: testamento pridem factò heredem scripsit S. Sebastianum. Summa residua, detractis quibusdam piis legatis aliò destinatis, excurrit ad octingentos florenos. Nacta est Benefactrix sepulturæ locum in templo Parochiali speciali lapide signatum.

Anno M. DC. LXVIII. modestissima Virgo Monacensis Aña Käsina eximiâ prorsus liberalitate D. Sebastiani legavit trecentos quinquaginta florenos.

Anno M. DC. LXXIX. ex liberalitate duarum Virginum Templo Eberspergenfi obvénit novum præsepe Christi pretio septuaginta florenorum, illud ipsum, quod olim Monachii in Electorali Hospitali ad S. Elisabethæ erectum visebatur.

Et

Et reverà gratissima hæc esca est rusticanæ curiositatis, & exquisitum pabulum simplicium oculorum: Nam personæ scenicæ, quarum præter sacras, complures in hoc Bethlemitico theatro numerantur, ad captum & gustum agraftium accommodatæ sunt; dùmq; curiositatem excitant, aculeum simul pietatis in animo figunt. Quo ex capite piæ illæ Virgines hoc suum donum tanquam optimè collocatum sibi gratulatæ sunt.

Anno M. DC. LXXX. die X. Maij piè in Domino obiit Joannes Schmid Kirchsoyensis Residentiæ Eberspergensis emeritus famulus, vir operæ indefessæ pariter & fidelissimæ, qui Residentiam & Templum S. Sebastiani de suo peculio heredem scripsit. Hereditatis massa quadringentos florenos exæquavit. Sepultus fuit in atrio Templi ad pedes Crucifixi Domini cujus

Y S affi-

312 *Benef. promiscui Ordinis S. Seb. M.*
assiduam memoriam in omni vita
semper circumtulera.

Anno M. DC. LXXXII. ex dono
Generosi D. Francisci ab Altmans-
hausen Divo Sebastiano accessit
gemmata torques ex corallis cum
argenteo & deaurato numismate
bene grandi, quod Beatissimam
Virginem artificiosos inter radios
bellè representat, & argenteæ D.
Sebastiani Statuæ cum ornamento
appensum est.

Benefactores hæctenus produ-
ctos cum elogio claudat vir de Re-
sidentia nostra ac D. Sebastiano in
paucis bene meritis plenus die-
rum bonorum senex. Est is Abra-
hamus Mez Wessobrunensis rei
Cerevisiaræ ipsis quadraginta se-
ptem annis hîc loci Præfectus. Me-
ritò ipse domûs nostræ olim fidissi-
mus Custos dici potuit, à qua di-
cessit nunquam, etiam iniquissimis
belli temporibus, cum incurfioni-
bus militum paterent omnia. Hic
igi-

igitur vir frugi & per omnia rectus,
ut D. Sebastiano, cui erat addictis-
simus aliquod sui monumentum
relinqueret, maximam campanam
quadraginta centenariorum Divo
Martyri Sacram, antehac illapsu ful-
minis inutilem effectam sumptibus
suis refundi in novam curavit, pre-
tio quingentorum florenorum, &
quod excurrit, in pium opus ex-
penso. Alias Templi cathedram
eleganti serico peripetasmate ve-
stivit pro Festis per annum cele-
brioribus. Moriens Residentiam
scripsit heredem, & Templo præ-
terea legavit centum & decem flo-
renos, quo ex peculio factus est
sericus Ornatus floridi operis pro
ara summa. Obiit vir insigniter
pius, & perpetuò cælebs, octoge-
nario major, uti vixit, placidissimè,
in divinam voluntatem resignatis-
simus, & ad iter æternitatis optimè
comparatus, munitusque IV. De-
cembris Anno M. DC. LXXXVII.

Tu-

Tumulum sibi etiamnum in vivis
elegit in Templi propylæo itidem
ad pedes magnæ Statuæ Crucifixi
Domini, ut nimirum ibi jaceret
mortuus, ex quo pendeat vivus,
totus in Christi vulnera immerfus.
Locus Sepulturæ inscripto lapide
signatus fuit.

His donariis hæctenus enarratis
non adnumeramus Annulos aureos
non ignobilium gemmarum, quo-
rum sunt complures, intèrque illos
unus & alter pronubus. Silentio
tamè prætermitti non debet pretio
perquàm memorabilis, quem do-
no dedit nobilis Benefactor D. Jo-
annes Hebenstreit sedecim præ-
tiosis Adamantibus illustrem, qua-
dringentis florenis æstimatum.
Quo quidem præclaro annulo nos
præsentem de Benefactoribus
materiam obfirmamus.